

КЫҢЫЛ ЗНАМЯНЫ ЫЛЛЫЛАР

Оройуоннааҕы информационнай, ааҕар-суоттуур станция Улуу Октябрь бырааһынньыгын кэрэ бэлэхтээх көрүстэ. Коллектив РИВС-тэр республикатааҕы социалистическай куоталаһыыларыгар үһүс квартал түмүгүнэн бастакы миэстэни ылан Саха АССР статистическай управлениетын уонна государственнай тэрилтэлэр үлэһиттэрин профсоюзун уобаластааҕы комитетын көһө сылдьар Кыһыл знаматын ылар чиэстэннэ.

Ити чиэскэ 9 ыйдаах былааны үлэ бары көрүнгэригэр 104,6 бырыһыан, ол иһигэр механизированнай обработка 105,8 бырыһыан толорон тигистилэр. Ааспыт сыл туһааннаах кэмнээбэр үлэ кээмэйэ

9,7 бырыһыан улаатта. Ортотунан биир оператор сорудаҕын 110,8 бырыһыан толордо. Ордук үчүгэйдик оператордар т.т. Охлопкова А. Е., Обутова В. Н., Уваровская Д. С. үлэлээтилэр.

РИВС экономической сулууспата былаанын 100,3 бырыһыан толордо. Отчуот хаачыстыбата биллэрдик тубуста. Бу салааҕа таб. Дураева Л. Д. үчүгэй көрдөрүүнү ситиһэр.

Коллектив комсомол 61 сыла туолар күнүгэр — алтынны 29 күнүгэр үлэ бары көрүнгэрин түөрт сыллаах былаанын толорбута. Бу сэмэй ситиһиилэргэ сакаасчыттар оройуон түөрт совхозтара, райпо, районо, ЛСО, Ленскэй сельсовет, бытовое комбинат, «Госкомсельхозтехника» холбоһуга көмөлөрө улахан. Инники-тин өссө үчүгэйдик үлэлиир инниттэн күүһү түмүөбүт.

Т. ЗАМЯТИН,
РИВС начальнига.